



INTERVENCIONS

O concelleiro señor Pérez Pardo califica de oportunista e cínica a intervención do PP e dí que unha cousa é un plan estratéxico de transporte e outra unha determinada infraestrutura. Lle parece que o PP fala alegremente do tema do AVE e lle gustaría saber qué dí este partido nos concellos de Pazos ou de Soutomaior.

O concelleiro señor Bastos Fernández dí que hai algo máis dun mes que o pleno se manifestou en contra da variante e que lle parece que o Alcalde debería ir a Madrid para falar con quen fora e resolve-lo tema, polo que lle pregunta qué xestións realizou ata o de agora.

O Alcalde dí que está a facer xestións e delas xa informou o outro día á plataforma. Sinala que unha cousa son as variantes e outra a autovía Vigo-Pontevedra., con respecto á cal se posiciona claramente a favor. Tamén dí que o propio señor Bastos lle dixo que estaba de acordo.

Tras reiteradas chamadas á orde por parte do Alcalde ao público asistente, pedíndolles que deixaran intervir aos concelleiros, pola Presidencia dase por rematada a presente sesión, sen proceder á votación do asunto, sendo as vinteunha horas e cincuenta minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 20 do Papel Timbrado da Comunidade Autónoma de Galicia, Serie A nº 1483503 ata a volta do folio núm. 30, Serie A nº 1483513, de todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL

ANA BEGOÑA MERINO GIL

SESIÓN ORDINARIA CELEBRADA POLO PLENO DO CONCELLO O DÍA

28 - DECEMBRO - 2006

ORDE DO DIA

- 1.- APROBACIÓN DA ACTA DA SESIÓN ANTERIOR.
- 2.- DAR CONTA DE EXPEDIENTES DE MODIFICACIÓN DE CRÉDITOS.
- 3.- ADOPCION DE ACORDOS S/ CAMBIO DE DESTINO ALLEAMENTOS DO PATRIMONIO MUNICIPAL DO SOLO.
- 4.- APROBACION INICIAL , SE PROCEDE, DO REGULAMENTO INTERNO DA PISCINA CLIMATIZADA DE REDONDELA
- 5.- ACTIVIDADE DE CONTROL DO PLENO:
 - 5.1. DAR CONTA DE RESOLUCIÓNS DA ALCALDÍA E CONCELLEIROS DELEGADOS.
 - 5.2. MOCIÓNS.
 - 5.3. ROGOS E PREGUNTAS.

Na Casa do Concello de Redondela, sendo as vinte horas do día vinteoito de decembro de dous mil



(Selo da Corporación)

(Sinatura do Presidente)

Folio N.º 31

Serie A N.º 1483514

seis, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, Dª. LAURA LAGO ALLER, D. MANUEL IGLESIAS CARRERA, Dª. MARIA ALBINA REBOREDO SURIS, D. CARLOS GONZÁLEZ FERNÁNDEZ, Dª. FRANCISCA CANAL GÓMEZ, Dª. Mª DEL CARMEN AMOEDO DASILVA, D. JUAN TIZÓN CABALEIRO, D. ANTÓN DÍAZ MOURELLE, D. JAIME DARRIBA VILAS, D. XOSÉ CARLOS PAZOS DOCAMPO, Dª. CECILIA PÉREZ ORXE, D. ALEJANDRO BASTOS FERNÁNDEZ, Dª. HERMINDA QUELLE FERNÁNDEZ, e D. MANUEL PÉREZ PARDO, tamén asistiu o Sr. Interventor Xeral do Concello D. MODESTO SOLLA SANZ, actuando como Secretaria a Secretaria da Corporación DONA. ANA BEGOÑA MERINO GIL, constitúese o Pleno do Concello, en sesión ordinaria, conforme á convocatoria e de acordo coa Orde do Día.

Non asisten, excusando a súa ausencia, os/as Sres./as concelleiros/as, Dª. MÓNICA CARREIRA COUÑAGO, Dª. PURIFICACIÓN SERRANO CAVIEDES, D. FERMÍN ALFAYA PAZ e D. RODOLFO PATO GARCIA.

INCIDENCIAS.-

Con carácter previo no tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

1.- APROBACIÓN DA ACTA DA SESIÓN ANTERIOR.-

Dada conta da acta correspondente á sesión ordinaria celebrada polo pleno do Concello o pasado día 30 de novembro polo señor Pazos Docampo faise constar que non se transcribiu no acta a moción do PP, polo que solicita que se inclua. Non se formulan outras observacións, e o Pleno do Concello, en votación ordinaria e por unanimidade dos/as seus membros presentes, acorda prestar aprobación a citada acta debendo transcribirse na mesma a moción do PP.-

2.- DAR CONTA DE EXPEDIENTES DE MODIFICACIÓN DE CRÉDITOS.

Dada conta dos seguintes expedientes administrativos de modificación de crédito:

- 33/06, aprobado por Decreto da Alcaldía de data 19.12.06, mediante xeración de crédito, por importe de 298.791,36 euros.

- 34/06, aprobado por Decreto da Alcaldía de data 20.12.06., mediante transferencia de crédito, por importe de 83,51 euros.

Non se formulan observacións, e o Pleno do Concello, dase por enterado dos expedientes administrativos de modificación de crédito anteriormente relacionados.-

3.- ADOPCION DE ACORDOS S/ CAMBIO DE DESTINO ALLEAMENTOS DO PATRIMONIO MUNICIPAL DO SOLO.

Visto a Proposta da Alcaldía que, transcrita di:

“Tendo en conta que na partida 062231A75500 do estado de gastos doorzamento do Concello de Redondela para o ano 2006 figuraba crédito por importe de 30.000,00 euros destinado a “Camión contra incendios”; importe a transferir á Xunta de Galicia.



Tendo en conta a imposibilidade de adquirir no ano 2006 un vehículo contra incendios coa colaboración da Xunta de Galicia.

Tendo en conta que o gasto indicado conta con financiamento afectado procedente do alleamento de bens de patrimonio municipal do solo.

Esta Acaldía propónlle ao Concello Pleno a adopción dos seguintes acordos:

Primeiro.-

Asignar como novos destinos dos 30.000,00 euros indicados na partida 062231A75500 do estado de gastos do orzamento do Concello para o ano 2006 os seguintes:

Destino	Euros
Vehículo contra incendios	18.000,00
Plan de emerxencia municipal	12.000,00

Segundo.-

Os destinos citados financiaranse íntegramente mediante parte dos ingresos procedentes do alleamento (xa realizado) de bens do patrimonio municipal do solo e farase efectivo por expediente administrativo de modificación de crédito no ano 2007, mediante incorporación de remanentes con financiamento afectado.

INTERVENCIÓNS

O concelleiro señor González Iglesias di que por diversas razóns non foi posible que este tema fora dictaminado previamente pola comisión informativa, polo que haberá que pasar pola mesma con posterioridade a adopción do acordo.

A concelleira señora Canal Gómez solicita que quede sobre a mesa xa que non está nin informado por Intervención nin pola comisión informativa. Considera que debería comprarse un vehículo en óptimas condicións e non de segunda mano.

O concelleiro señor González Iglesias di que de no tomar axiña unha decisión poden quedar sen o vehículo e que o mesmo foi examinado polo perito do Concello que o atopou en boas condicións.

A señora Canal Gómez di que eses informes non están no expediente.

Sometida a votación a petición de retirada do asunto da orde do día, a mesma é rexeitada por dez votos en contra, dúas abstencións e cinco votos a favor.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por dez votos a favor (7 do PSdeG-PSOE, 2 do BNG, e 1 de EU-IU), dúas abstencións (de RA) e cinco en contra (do PP), acorda aprobar a proposta transcrita que pasarase á Comisión Informativa de Economía, Facenda e Patrimonio para os efectos do previsto no artigo 126.2. do RD 2568/1986 de 28 de novembro polo que se aprobou o Regulamento de Organización, Funcionamento e Réxime Xurídico das Corporacións Locais (ROF).



(Selo da Corporación)

(Sinatura do Presidente)

Folio N.º 32

Serie A N.º 1483515

4.- APROBACION INICIAL , SE PROCEDE, DO REGULAMENTO INTERNO DA PISCINA CLIMATIZADA DE REDONDELA

Visto o Dictame da comisión informativa de Deportes que, transcrito di:

PROPOSTA DO CONCELLEIRO DE DEPORTES

Examinado o expediente tramitado para a aprobación do Regulamento de Réximen Interno da Piscina Climatizada de Redondela" que determina o apartado XVIII, da Cláusula 16 "Deberes e obrigas das patres contratantes", do prego de cláusulas administrativas particulares que rexe a concesión da xestión indirecta do servizo público "Piscina Climatizada de Redondela, esta Concellaría ten a ben propoñer a Comisión Informativa de Deportes, a adopción do seguinte acordo:

Primeiro.- Aprobar inicialmente o Regulamento de Réximen Interno da Piscina Climatizada de Redondela.

Segundo.- Sometelo a información pública por un prazo de trinta días para a presentación de reclamacións e sugerencias, que, no seu caso, se resolveran polo Pleno no intre da aprobación definitiva e publicación do texto no BOP, facéndose constar que no caso de non formularse ningunha reclamación ou sugerencia entenderase que o regulamento queda definitivamente aprobado.

Terceiro.- Notifica-lo acordo a empresa adxudicataria da concesión

Votación e Dictame

Non habendo intervencións, pola Presidencia sométese o asunto a votación e a Comisión Informativa de Deportes, en votación ordinaria dos sres/sras concelleiros/as presentes, sendo dous votos a favor (PS de G-PSOE) coa abstención de D. Antón Díaz Mourelle e Francisca Canal Gómez, dictaminou favorablemente a proposta da Presidencia, nos antecedentes transcrita, propoñendo ao Concello Pleno a súa aprobación.

INTERVENCIÓNS

Polo concelleiro señor Pazos Docampo solicítase a incorporación ao regulamento dunha serie de precisións en relación á normalización lingüística, para o cal aporta a correspondente proposta.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos asistentes acorda aprobar o dictame da comisión informativa, nos antecedentes transcrito, incorporando ao regulamento que se aproba inicialmente as previsións ás que se refire o voceiro do BNG sobre normalización lingüística.

5.- ACTIVIDADE DE CONTROL DO PLENO:

5.1.- DAR CONTA DE RESOLUCIÓNS.-

O Concello Pleno dase por enterado do contido das Resolucións da Alcaldía e dos Concelleiros Delegados dende o día 25 de novembro ao 21 de decembro de 2006.-

5.2.- MOCIÓNS

Previa declaración de urxencia, acordada en votación ordinaria e por unanimidade dos asistentes, tratáronse as seguintes mocións:



5.2.1.MOCION DE IU-EU S/INCORPORACIÓN DO CONCELLO DE REDONDELA AO EIXO ATLANTICO

Vista a moción de IU-EU que, transcrita, dí:

Manuel Pérez Pardo, como voceiro do Grupo municipal de Esquerda Unida-Izquierda Unida (EU-IU), no Concello de Redondela, e ó abeiro do disposto no Regulamento Orgánico de Funcionamento, presenta ante o Pleno da Corporación Municipal a seguinte Moción, en base os seguintes:

MOTIVOS

O Eixo Atlántico constitue unha asociación transfronteriza integrada polas principais vilas de Galiza e da rexión norte de Portugal.

O Eixo Atlántico desenvolve a súa estratexia en de xeito principal na promoción do desenvolvemento económico dun espazo cultural e social común e no reforzo de presenza e participación nas políticas comunitarias de Bruselas.

A participación de Redondela nun espazo de nova creación donde o fomento de actividades comúns de especial raigame e relevancia económica e social (o turismo baseado no seu patrimonio histórico, cultural e natural, e a pesca), e a redución deste xeito as diferenzas de desenvolvemento con respecto a outros espazos europeos de maior dinamismo, pode ser un elemento positivo para activar os distintos resortes do desenvolvemento o incorporarse a outros ámbitos territoriais de proximidade.

Polo que o Grupo Municipal de EU-IU, solicita ó Pleno da Corporación Municipal de Redondela, adopte o seguinte **ACORDO**:

ÚNICO: Aprobar a solicitude de adhesión o Eixo Atlántico e realizar cantos trámites sexan preciso para a nosa incorporación a esta asociación.

INTERVENCIONS

O concelleiro señor Pazos Docampo dí que lle parece positiva a proposta aínda que pensa que a incorporación de Redondela pode provocar certo desequilibrio entre os concellos representados no eixo, dado que serían máis os da Galicia costeira que os do interior.

O concelleiro señor Díaz Mourelle dí que en principio parécelle ben pero non ten claras as actuacións que se levan a cabo dentro do eixo Atlántico.

O señor Pérez Pardo dí que non é cuestión agora de facer un repaso ás actividades que se realizan e que son de todo tipo: cultural, económico, medio ambiental...etc

VOTACION E ACORDO

Sometido o asunto a votación, o Concello Pleno, en votación ordinaria e por unanimidade dos señores asistentes acorda aproba-la moción transcrita.

5.2.2. MOCION DO BNG S/ PARALIZACION DE ACTUACIÓNS NA RIA DE VIGO

Vista a moción do grupo do BNG que, transcrita, di:

“O Bloque Nacionalista Galego téñ, desde sempre, unha grande preocupación polas consecuencias



NUMERADO
CORPORACIÓN
MUNICIPAL



(Sinatura do Presidente)

Folio N.º 33

Serie A N.º 1483516

negativas que para a Ría de Vigo, traen as actuacións desenvolvidas tanto na beiramar como na lámina de auga.

A conservación nas mellores condicións dun espazo tan importante para os concellos beirantes, é unha responsabilidade de todos os cidadáns e cidadás, mais en maior medida das administracións con competencias na súa xestión, e nomeadamente das corporacións municipais.

O Grupo Municipal do Bloque Nacionalista Galego, compartindo as inquedanzas da Plataforma para a Defensa da Ría de Vigo-Cies, e facendo propio o documento que acompaña a ésta, ao Pleno da Corporación propón a adopción dos seguintes acordos:

1.- Solicitar á Autoridade Portuaria de Vigo a paralización dos proxectos de ampliación, recheo, dragados, portos deportivos, etc., a desenvolver na Ría de Vigo, pois supoñen unha agresión ao medio mariño, sen estudar as súas repercusións presentes, e sobre todo futuras.

2.- Solicitar ao Ministerio de Fomento, ao Ministerio de Medio Ambiente, a máis á Xunta de Galicia, que xunten esforzos para a elaboración dun Estudo Integral e Global de toda a Ría, no que se teñan en conta todos os posibles usos e actuacións compatíbeis coa súa conservación".

INTERVENCIONS

O concelleiro señor González Iglesias considera procedente que a paralización se solicite tanto da Autoridade Portuaria como da Xunta de Galicia

VOTACIÓN E ACORDO

Sometido o asunto a votación, o Concello Pleno, en votación ordinaria e por unanimidade dos señores asistentes acorda aproba-la moción transcrita coa rectificación proposta polo voceiro do Psde G-PSOE

5.3. ROGOS E PREGUNTAS

Pola señora Canal Gómez fórmulanse as seguintes preguntas:

- Cándo se vai a realizar a presentación do PXOM aos grupos políticos.
- Cándo se van a aprobar os orzamentos para o ano 2007

O señor González Iglesias resposta que para finais do próximo mes de xaneiro.

E sen outros asuntos que tratar pola Presidencia dase por rematada a presente sesión, sendo as vinte horas e vinte minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 30 do Papel Timbrado da Comunidade Autónoma de Galicia, Serie A nº 1483513 ata o folio núm. 33, Serie A nº 1483516, de todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL

ANA BEGOÑA MERINO GIL